

國學基本典籍叢刊

杜澤遜

審定

# 宋本輿地廣記

三

國家圖書館出版社

(宋)歐陽忞 撰



# 宋本輿地廣記

第三冊

國家圖書館出版社

## 圖書在版編目(CIP)數據

宋本輿地廣記:全三冊/(宋)歐陽忞撰.--北京:國家圖書館出版社,2017.6

(國學基本典籍叢刊)

ISBN 978-7-5013-6081-9

I. ①宋… II. ①歐… III. ①歷史地理—中國—古代 IV. ①K928.62

中國版本圖書館 CIP 數據核字(2017)第 086856 號

**書 名** 宋本輿地廣記(全三冊)

**著 者** (宋)歐陽忞 撰

**責任編輯** 王亞宏

**封面設計** 徐新狀

---

**出 版** 國家圖書館出版社(100034 北京市西城區文津街7號)  
(原書目文獻出版社 北京圖書館出版社)

**發 行** 010-66114536 66126153 66151313 66175620  
66121706(傳真) 66126156(門市部)

**E-mail** nlcpres@nlc.cn(郵購)

**Website** www.nlcpress.com→投稿中心

**經 銷** 新華書店

**印 裝** 北京市通州興龍印刷廠

**版 次** 2017年6月第1版 2017年6月第1次印刷

---

**開 本** 880×1230(毫米) 1/32

**印 張** 22

---

**書 號** ISBN 978-7-5013-6081-9

**定 價** 68.00 圓

## 第三冊目錄

|       |       |     |
|-------|-------|-----|
| 卷第二十五 | ..... | 一   |
| 卷第二十六 | ..... | 一五  |
| 卷第二十七 | ..... | 三一  |
| 卷第二十八 | ..... | 四九  |
| 卷第二十九 | ..... | 六一  |
| 卷第三十  | ..... | 七九  |
| 卷第三十一 | ..... | 九九  |
| 卷第三十二 | ..... | 一一九 |
| 卷第三十三 | ..... | 一三五 |
| 卷第三十四 | ..... | 一五五 |
| 卷第三十五 | ..... | 一六七 |

卷第三十六

.....

一八五

卷第三十七

.....

二〇三

卷第三十八

.....

二一九

二

輿地廣記卷第二十五

江南西路

都督洪州春秋戰國屬楚秦屬九江郡漢高帝改爲淮南國分  
置豫章郡東漢晉因之東晉置江州初治此後徙尋陽宋齊梁  
陳皆爲豫章郡隋平陳郡廢置洪州大業初州廢復置豫章郡  
唐武德五年復曰洪州大寶元年曰豫章郡後升鎮南軍節度  
皇朝因之今縣八

望南昌縣秦爲九江郡南部漢高帝六年置豫章郡其城即灌  
嬰所築東漢以後因之後改南昌曰豫章縣隋置洪州唐武  
德五年析置南昌鍾陵縣以南昌置孫州八年州廢省南昌  
鍾陵寶應元年避肅宗諱改豫章曰鍾陵正元中又改曰南  
昌應劭漢官儀曰有豫章生於庭中故以名郡此木常中枯  
晉永嘉中一旦更茂咸以爲中興之祥其後元帝果興大業

於江南故郭璞南郊賦云弊樟擢秀於祖邑以司馬宣王之祖嘗爲豫章太守故也有武陽水

望新建縣

皇朝太平興國六年析南昌縣置與南昌分治郭下有西山草水

望奉新縣本新吳縣漢中平中置晉以後屬豫章郡隋平陳省入建昌唐永淳二年復置屬洪州五代時改爲奉新縣有華林山大雄山

望曲陽縣吳分南昌縣地置富城縣晉太康元年改曰曲陽城屬豫章郡雷煥得龍淵太阿於此宋齊梁陳皆屬豫章郡隋平陳省之開皇十二年復置曰廣豐唐武德初改曰曲陽城屬洪州唐因之

望分寧縣本文縣地左傳吳公子慶忌驟諫吳王弗聽出居于艾是也二漢屬豫章郡晉宋齊梁陳因之隋省入建昌唐正

元十五年析武寧置分寧縣屬洪州有旌陽山昔旌陽令許遜嘗遊此有脩水

緊武寧縣本西安縣地漢建安中孫權置晉太康元年改為豫寧屬豫章郡宋齊梁陳皆因之隋省入建昌唐長安四年復置武寧縣屬洪州景雲元年改曰豫寧寶應元年復曰武寧有幕阜山

中靖安縣五代時置有藥王山

進賢縣

上虔州春秋時百越之地戰國時吳起相楚悼王南平百越於是屬楚秦屬九江郡二漢屬豫章郡吳屬廬陵郡晉太康三年置南康郡宋為南康國齊梁陳復為南康郡隋平陳郡廢置虔州大業初州廢置南康郡唐武德五年曰虔州天寶元年曰南康郡後唐長興二年升為昭信軍節度

皇朝因之今縣十

望贛縣二漢屬豫章郡吳爲廬陵南郡都尉治晉置南康郡宋齊梁陳皆因之隋置虔州改贛縣爲南康大業初復改爲贛唐因之有贛水東源出雩都曰湖漢水西源出南野曰彭水二水皆北流合于贛縣柳爲章水北流入大江後人因贛字以湖漢水爲貢水章水爲章水而湖漢之遂以爲章貢合流因以名縣蓋久之矣平固鎮本平固縣吳曰平陽晉太康元年更名屬南康郡宋因之後省鎮

望虔化縣漢贛縣地吳置防都縣晉太康元年改曰寧都後省焉宋復置大明五年以虔化也別置虔化縣並屬南康郡後省虔化入寧都隋平陳改寧都曰虔化屬虔州唐因之上有梅嶺山漢時閩越反武帝令諸校屯豫章梅嶺待命閩越發兵入梅嶺殺漢校尉即此縣地有石鼓山

望興國縣本贛縣地

皇朝太平興國八年以險江鎮置興

國縣有覆筍山

望信豐縣本南康地唐永淳元年分置南安縣屬虔州天寶元年改為信豐

望雩都縣二漢屬豫章郡晉宋屬南康郡後省隋平陳復置屬

虔州唐因之有金鷄山云時見金鷄出於石上有盤固山

望會昌縣本雩都縣地 皇朝太平興國八年以九州鎮置

有君山

望瑞金縣本雩都縣地有金唐天祐元年置瑞金監後升為縣

屬虔州有銅鉢山綿江

緊石城縣五代時置屬虔州

上安遠縣唐貞元四年析雩都縣置屬虔州

中龍南縣本漢南野縣地五代時置屬虔州有聶都山山海經

曰顓水出聶都山即此

上吉州春秋時百越之地戰國屬楚秦屬九江郡二漢屬豫章  
郡興立元年孫策分置廬陵郡吳警鼎一年孫皓又置安城郡  
晉宋梁陳皆因之隋平陳二郡俱廢置吉州入業初復置廬  
陵郡唐武德五年曰吉州天寶元年曰廬陵郡  
皇朝因之  
今縣八

望廬陵縣二漢屬豫章郡孫策改爲石陽縣分置廬陵郡晉宋  
因之後復改石陽爲廬陵縣隋置吉州唐因之有玉笥山

望圭水縣本吉陽縣地吳置晉宋屬廬陵郡後省焉  
皇朝

太平興國九年置吉水縣有仁山吉水

望安福縣本淳安成縣屬吳沙國東漢屬長沙郡吳屬安成郡  
晉改縣曰安復宋齊梁陳皆因之隋平陳郡廢改安復縣爲  
安成十八年又曰安復屬吉州唐武德五年改縣曰安福置  
潁州七年廢來屬有廬水東至廬陵入潁江

望太和縣吳置西昌東昌二縣晉宋皆屬廬陵郡後西昌省東昌入焉改爲太和縣屬吉州唐因之有賴石山遂興水

望龍泉縣五代時置屬吉州有石舍山

望永新縣吳置屬安成郡晉宋因之唐武德五年復置屬

南平州八年州廢省入太和顯慶三年復置來屬有永新山

勝業水

望永豐縣本吉水縣地

皇朝至和元年以報恩鎮置永豐

縣有雲蓋山報恩江

望萬安縣本龍泉縣地

皇朝熙寧四年以萬安鎮置有龍

頭山雲州

上袁州春秋爲百越之地戰國屬楚秦屬九江郡二漢屬豫章

郡吳屬安城郡晉宋齊梁陳因之隋平陳郡廢置袁州大業初

州廢置宜春郡唐武德四年曰袁州天寶元年曰宜春郡

皇朝因之今亦四

望宜春縣二漢屬豫章郡吳屬安城郡晉置武改為宜春宋以後因之隋復改為宜春屬宜春郡唐因之有仰山表江有宜春泉醞酒八貢

望分宜縣本宜春縣地

皇朝雍正元年置有鍾山郡國志

大晉永嘉元年因水有大鍾從山上墜水中驗其銘是秦時樂器故以名山有昌山

望萍鄉縣三置屬安城郡晉以後因之隋屬宜春郡唐因之有羅霄山揚岐水

緊萬歲縣本陽樂縣地吳黃武中置晉太康元年改為康樂屬豫章郡宋因之謝靈運襲封康樂公即此後省焉唐武德五年復置陽樂縣屬靖州八年州廢省入高安五代時以其地置萬歲縣屬洪州後屬筠州 皇朝開寶八年來屬有康

樂故城有謝山康樂水

上撫州春秋時百越之地戰國屬楚秦屬九江郡二漢屬豫章郡吳太平二年分置臨川郡晉以後因之隋平陳郡廢置撫州大業初州廢置臨川郡唐武德五年曰撫州天寶元年曰臨川郡  
皇朝因之今縣四

望臨川縣本南昌縣地東漢永元八年置臨汝縣屬豫章郡吳孫亮分置臨川郡晉以後因之隋置撫州改臨汝縣為臨川唐因之有義寧山本曰銅山唐天寶中改名有臨川水

望崇仁縣本吳置巴丘縣屬廬陵郡置新建縣屬臨川郡晉宋因之梁改巴丘為巴山及置巴山郡隋平陳郡縣俱廢置崇仁縣屬撫州唐因之有崇仁山寶曆中

置宜黃縣唐武德五年析崇仁置屬撫州八年省  
寶曆八年以宜黃場復置有宜黃水  
皇朝開

望金谿縣本臨川縣地

皇朝開寶五年以金谿場置有靈

秀山金谿水

上筠州自唐以前地理與洪州同南唐李昇置筠州

皇朝

因之今縣三

望高安縣本建城縣二漢屬豫章郡以後因之縣出然石石  
色皆白而疎理以水灌之則熱者非其上足以熟物元康中  
雷煥入洛賡石以示張華華曰此謂然石於是始識其名隋  
屬洪州唐武德五年改建城曰高安置靖州七年改為米州  
又改為筠州八年州廢屬洪州南唐復置筠州有飛山鍾口  
江

望上高縣五代時置屬洪州南唐來屬又有八疊山斜口水

望新昌縣

皇朝太平興國三年以高安監步鎮置有黃菜

山

同下州興國軍自五代以前地理與鄂州同 皇朝太平興

國二年置興國軍今縣三

望永興縣本鄂縣地二漢屬江夏郡吳孫權改鄂為武昌而別  
置陽新縣屬武昌郡晉以後因之江左又析置永興縣隋平  
陳改陽新曰富川開皇十一年省永興入焉十八年改富川  
縣曰永興屬鄂州唐因之 皇朝置興國軍有闔閭山吳  
王闔閭與楚相持此

緊大冶縣 皇朝乾德五年以大冶場置屬鄂州太平興國

二年來屬有磁湖

中通山縣五代時置屬鄂州 皇朝太平興國二年來屬有

翠屏山本名石城唐天寶中改名

同下州南安軍自五代以前地理與虔州同 皇朝淳化元

年置今縣三

中大度<sup>終</sup>唐神龍元年析南康縣置屬虔州 皇朝置南安

軍有大庾嶺五嶺之最東者亦曰東嶠有橫浦關溪討南越  
楊僕為樓船將軍出豫章下橫浦是也有涼熱水水經注云  
連溪出南康縣涼熱山即此水也

望南康縣本漢南野縣地吳分置南安縣晉太康元年改曰南  
康屬南康郡宋因之改曰贛縣隋大業初復曰南康屬南康  
郡唐屬河州 皇朝淳化元年來屬南野鎮今南野縣二  
漢屬豫章郡晉屬廬陵郡宋屬南康郡後省為鎮有君山章  
水

上上猶縣五代時置屬虔州 皇朝淳化元年來屬有猶水

同下州臨江軍自五代以前地理與均表言三州同 皇朝  
淳化三年置今縣三

望清口縣五代時置屬洪州南唐屬筠州 皇朝置臨江軍